

黃永武博士 主編

杜詩叢刊（第二輯）

杜工部詩通附本義
(二)

台灣大通書局印行

杜工部詩通卷之十二

高郵張紱

男守中校

永泰年間所作

登樓

永泰元年
春成都作

花近高樓傷客心
萬方多難此登臨
錦江春色來天地
玉壘浮雲變古今
北極朝廷終不改
西山寇盜莫相侵
可憐後主還祠廟
日暮聊為梁父吟

賦而興也寇盜謂吐蕃也去冬陷京師及松維保三州
梁父吟漢相諸葛亮所作其詞曰步出齊城門遙望蕩

陰里里中有三墳累累正相似問是誰家墓田疆古冶氏力能排南山文能絕地理一朝被讒言二桃殺三士誰能為此謀相國齊晏子○登樓見花而傷心者以萬方多難也遂即花而言此錦江春色乃來自天地彼王壘浮雲則變經古今以興天地之春色不改我朝廷之德澤亦終不改浮雲之聚散不常爾寇盜之起滅亦當不常故諭以莫相侵也又即所見而推本言之可憐後主猶祠廟於此亦以德澤在蜀人心不忘耳蓋後主雖庸而能信任諸葛賢相此所以得祠廟者況英主苟能用賢則寇盜豈足平乎是以日暮為梁父之吟而重有

感也

旅夜書懷 永泰元年作

細草微風岸危檣獨夜舟
星隨平野濶月湧大江流
名豈文章著官應老病休
飄飄何所似天地一沙鷗

文章不足顯身老病無能用世
往來江湖殊無所謂殆
類一沙鷗耳因舟居感懷如此

枳樹為風雨所拔歎

倚江枳樹草堂前故老相傳二百年
誅茅卜居總為此五月髣髴聞寒蟬
東南飄風動地至江翻石走流雲氣
幹排雷雨猶力爭根斷泉源豈天意
滄波老樹性所愛浦上童

童一青蓋野客頻留懼雪霜行人不過聽竽籟虎倒龍顛
委榛棘淚痕血點垂脅臆我有新詩何處吟草堂自此無
顏色

柗葉理細其木直上不相妨故一名交讓竽管三十六
簧長四尺二寸籟出聲機竅也亦簫名○此詩說者謂
公傷嚴武而作意蓋得之永泰元年四月嚴武薨公托
意柗木以傷之是年三月大風拔木或追作耳

錦樹行

永泰元年

今日苦短昨日休歲云暮兮增離憂霜凋碧樹作錦樹萬
望東逝無停留荒戍之城石色古東郭老人住青丘飛書

白帝營斗粟琴瑟几杖柴門幽青草萋萋盡枯死天驥跛
足隨羴牛自古聖賢多薄命姦雄惡少封公侯故國三年
一消息終南渭水寒悠悠五陵豪貴反顛倒鄉里小兒狐
白裘生男墮地要膂力生女富貴傾邦國莫愁父母少黃
金天下風塵兒亦得

東郭老人公自謂也天驥神馬羴牛長毛牛也出西南
終南渭水即公故國之地狐白裘服之貴者○此因錦
樹起興而有感於歲暮也荒戍以下公感懷索居窮處
營求斗粟柴門之內但有琴瑟几杖之幽而已雖青草
亦皆枯死其窮可知遂歎其厄時雜處若天驥跛足之

隨蹇牛賢愚莫辨情不能堪則以自古聖賢薄命奸惡得志以自解况故鄉信稀而路遠是亦烏能已於情耶五陵以下言舊族反貧小人暴富時事翻覆皆以世亂之故故結句云云言乘機取富貴為不難也此詩縱其筆力之所至無不成言所謂後心所欲不踰矩者然未免規角峭露之處困而亨之度故曰貧而無怨難

寄裴施州

永泰元年

裴冕以附李輔國貶施州刺史

廊廟之具裴施州宿昔一逢無此流金鐘大鑪在東序冰壺玉衡縣清秋自從相遇減多病三歲為客寬邊愁竟有

四嶽明至理漢二千石真分憂幾度寄書白鹽止苦寒贈
我青羔裘霜雪迴光避錦袖蛟龍動篋蟠銀鈎紫衣使者
辭復命再拜故人謝佳政將老已失子孫憂後來况接才
華盛

晁嘗為宰相故曰廊廟之具公初入蜀時晁為成都尹
即為營西郭草堂故曰宿昔一逢鏞大鐘也顧命天球
河圖在東序王衡量璇璣之衡以王為之四嶽堯掌方
嶽之官漢刺史食二千石宣帝曰與我共理者其惟良
二千石乎白鹽夔州山名後來指裴之後人○此因裴
施州寄書於夔且贈公青羔之裘作此以復之也金鐘

一聯即廊廟之具自從至分憂四句喜其遇而稱其才之優於為郡如此於是叙其數寄書於遠地兼贈棗於苦寒以言其棗之美則霜雪迴光而錦袖為避以言其字之妙則蛟龍動篋而銀鈎相蟠末四句乃言復命謝裴之意且謂窮老不復憂其子孫者况嘗接裴後之多才豈不能敦世契而顧我後人乎所以見其通家之厚也如此夫

荆南兵馬使太常卿趙公大食刀歌

大食國名趙公自荆南刮寇至夔示公此刀公為作歌舊註以刮寇至夔崔旰之亂恐未必然

詩中芮公者別是一人觀曰分閫用賢之語則
趙乃其僚屬師以為趙芮公合為一人者誤矣
太常樓船聲嗷嘈問兵刮寇超下牢牧出令奔飛白艘猛
蛟突獸紛騰逃白帝寒城駐錦袍玄冬示我胡國刀壯士
短衣頭虎毛憑軒拔鞘天為高翻風轉日木怒號冰翼雲
淡傷哀孫鑄錯碧甕鵲鵲膏鏐已瑩虛秋濤鬼物搬捩
亂坑壕蒼水使者捫赤條龍伯國人罷釣鼇芮公則首顏
色勞分閫救世用賢豪趙公王立高歌起攬環結佩相終
始萬歲持之護天子得君亂絲與君理蜀江如線針如水
荆岑彈丸心未已賊臣惡子休千紀魑魅魍魎徒為耳妖

腰亂領敢欣喜用之不高亦不痺不似長劒湏天倚吁嗟
光祿英雄彌大食寶刀聊可比丹青宛轉麒麟裏光芒六
合無泥滓

噉嘈衆喧聲下牢地名上牢下牢楚蜀分畛由楚而上
蜀故曰超牧州守令縣尹也鵲鵲似鳬而小膏可淬刀
鐫錯碧甕盛膏器也撒揆見前蒼水使者水神也龍伯
國有大人一釣而連六鰲彈丸言其小也痺與卑同上
聲讀宋玉賦長劍倚天外光祿未詳恐是趙公之爵劉
湏溪云必別有光祿刀故麒麟閣名漢圖功臣於上○
言趙公割寇自荆南來夔州示我以大食刀出刀之際

則見其精光動天地而驚鬼神水神拊惜海恠潜消荆
南芮公方有西顧之憂分閫救世以用賢豪於是趙公
應芮公之用王立高歌而起佩此刀與之終始以衛王
室以治亂民視蜀江之地猶一線耳荆山之地猶彈丸
耳其雄心有不止此者彼亂臣惡子勿干我紀視區區
鬼魅徒為不靖而已矣腰領之血何足以污吾此刀乃
敢跣梁欣喜乎又言此刀之用不高不痺適當其平非
若長劍之過高虛誇也因歎趙公才望足使英雄驚息
此寶刀聊可與比其佩而與之終始也固宜他日功成
圖形麟閣丹青亦將以此佩刀宛轉畝之於上若猛將

腰間長弓大羽然而其光芒照耀則天下為之永清矣
此歌崛崎頓挫語繁而不殺緒多而不亂意之所到氣
亦隨之蓋不可以常法論當與太史公諸傳並觀

王兵馬使二角鷹

悲臺蕭瑟石龍從哀壑杙杙浩呼洶中有萬里之長江迴
風陷日孤光動角鷹翻倒壯士臂將軍王帳軒勇氣二鷹
猛腦條徐墮目如愁胡視天地杉鷄竹兔不自惜孩虎野
牛俱辟易韉上鋒稜十二翻將軍勇銳與之敵將軍樹勲
起安西崑崙虞泉入馬蹄白羽曾肉三狡獬敢決豈不與
之齊荆南芮公得將軍亦隨角鷹下翔雲惡鳥飛飛啄金

屋安得爾輩開其羣驅出六合梟鸞分

龍從高大貌杈枒不齊貌杉鷄黃冠青綾常在樹下竹
兔似兔而小食竹葉漢書註辟易謂開張而易其本處
臂捍也崑崙虞泉皆在西極白羽箭也後猓本作後
魔似虎色黃食虎豹出西域肉三後猓謂曾殄三猛酋
也○首四句言地之奇絕處產此二鷹角鷹至辟易則
言二鷹之奇絕也韞上至之齊言王兵馬與角鷹同一
勇銳因即其樹勲西域之敢決以證其相同也未則言
趙芮公得兵馬亦如兵馬得角鷹要當逐去凶逆以分
善惡可也猛腦條徐墜五字必有錯誤一作猛腦徐侯

緣猶不成語

又雪 永泰元年

南雪不到地青崖霜未消微微向日薄脉脉去人遙冬熱
鴛鴦病峽深虎豹驕愁邊有江水焉得北之朝

此盖因蜀地之遠朝廷威令所不能及良弱受病强暴
肆志愁思之心欲因江水之去以達於朝而不可得感
南雪不寒而作也未北字正應首南字

大曆年間所作

水閣朝霽奉簡雲安嚴明府

大曆元年春
在雲安作

東城抱春岑江閣鄰石面崔嵬晨雲白朝旭射芳甸雨濛

本頁原稿原闕

本頁原稿原則